

民國文獻資料叢編

近代學報
彙刊



殷夢霞 李強 選編



國家圖書館出版社



殷夢霞、李強 選編

近代學報彙刊

第六冊

國家圖書館出版社

第六冊目錄

四川學報	第二年第七冊	光緒三十二年		一
四川學報	第二年第八冊	光緒三十二年		一三九
四川學報	第二年第九冊	光緒三十二年		二七九
四川學報	第二年第十冊	光緒三十二年		四一一
四川學報	第二年第十一冊	光緒三十二年		五四三

四川學報

第七冊 第二卷

光緒三十二年

第七冊

四川學報

大清郵政局特准掛
號認為新聞紙類

蜀書報發行

諭旨

奏議

公牘

章程
講義
譯編
論說
選報
附表
附編

學部奏地方官員補署等事由三司會詳片○外務部奏選派留學生歸儲才館片○軍機處會奏成都駐防改辦初等小學堂摺○御史葉希榮奏擬推廣實業教育摺○御史喬樹枏奏請飭下各省添設法政學堂片

學部電咨嗣後游學速成應即一律停派文○學部通電轉通進士館辦法遣派學員出洋游學文○商部通咨御史葉希榮奏准推廣實業教育文○學部通咨各省設立法政學堂文○學部通咨擇節咨送或者取入京師各學員津貼文○學部通電前奏考驗畢業游學生係指高等學堂畢業者而言文○日本楊公使咨四川官費生崇浩郝延鍾頂補遺額文 七月分批京外官紳出洋游歷簡章○考驗游學畢業生章程

視學提要第二編學校管理法(續第六期)

愛珠幼雅園沿革志

泰西文字源流○甯都魏氏謂左氏有兵謀兵法說○舞象舞勺說

學部第一次審定初等小學暫用書目表(續第六期)

奉天張學使致江蘇總學會書○江楚編譯官書局申送新編國朝事略呈請江督鑒定印銷文○江督周飭蘇皖學務處轉飭各屬購簡字譜札文○江蘇學務總會致各分會函○留學務處沈觀察致張殿撰函○張殿撰復留學務處沈觀察函○升任徐州道袁觀察告誡師範學堂文○醴陵縣革斥學生牌示○八旗學務處附發會讀說文

七月十三日奉

上諭朕欽奉

慈禧端佑康頤昭豫莊誠壽恭欽獻崇熙皇太后懿旨本朝自開國以來

列聖相承謨烈昭垂無不因時損益著爲憲典現在各國交通政治法度皆有彼此相因之勢我國政令積久相仍日處阨危受惠迫切非廣求智識更訂法制上無以承

祖宗締造之心下無以慰臣庶治平之望是以前簡派大臣分赴各國攷查政治現載澤等回國陳奏皆以國勢不振實由於上下相蒙內外隔閡官不知所以保民衛國而各國之所以富強者實由於行憲法取決公論軍民一體呼吸相通博採衆長明定權限以及籌備財政經畫政務無不公之於黎庶又曰各國相師變通盡利政通民和有由來矣時處今日惟有及時詳晰甄核仿行憲政大有裨於朝廷庶政公諮輿論以立國家萬年有道之基但目前規制未備民智未開若操切從事徒飾空文何以對國民而昭大信故廓清積弊明定責成必從官制入手亟應先將官制分別議定次第更張並將各項法律詳慎釐訂而又廣興教育清理財政整飭武備普設巡警使紳民明悉國政以預備立憲基礎在內外臣工切實振興力求成效俟數年後規模粗具查看情形參用各國

成法妥議立憲實行期限再行宣布天下視進步之遲速定期限之遠近着各省將軍督撫曉諭士庶人等發憤爲學各明忠君愛國之義合羣進化之理勿以私見害公益勿以小忿敗大謀尊崇秩序保守和平以預儲立憲國民之資格有厚望焉將此通諭知之欽此

七月十六日奉

上諭山東提學使著朱益藩補授欽此

學部奏地方官員補署等事由三司會詳片月

再興學爲地方要政久已列入考成實與錢穀刑名並重查各省地方官員補署舉劾等事向由藩司會同臬司具詳現既添設學司擬改爲藩學臬三司會同具詳庶地方人員各願考成於興學育才不無裨益臣等爲慎重學務起見是否有當謹附片具陳伏乞 聖鑒

訓示謹 奏

外務部奏選派留學生歸儲才館片月七

再查各國外部均遣派學生留學外國研習外交學術以備任使前總理衙門附設同文館亦曾迭派學生分赴各國肄習專門歷年以來頗有成就均經各國出使大臣及各省將軍督撫陸續調用現在臣部變通舊制採用曾經出洋游學人員勉力搜羅終嫌缺乏欲圖久遠不能不預爲綢繆時事日艱需才孔亟惟有先就各國留學生之肄習政治法律商務理財者詳加遴選無論官派私費但係品詣端正程度較深卽由臣部酌給學費異日畢業回國專歸臣部委用如數不足再就各省著名學堂之普通卒業學生擇尤調考酌取若干咨遣出洋學習然此不過值濟一時之急而不足爲經久之謀查同文館自奉 旨改歸學

務處後易名爲譯學館仍以外國語學爲重將來此館學生卒業卽由臣等咨行學部挑取優等各生送部考驗其有他項學堂程度相當足以及格者亦准酌量保送一體考選由臣部發給學費按年遣赴外洋分習政治法律商務理財各學以備辦理交涉之需所有一切事宜均歸臣部儲才館一併辦理至應定名額需用經費容俟擬定章程再行具奏請

旨謹附片陳明伏乞

聖鑒謹 奏

成都將軍恩綽
成都副都統蘇

會奏成都駐防改辦初等小學堂摺

月七

奏爲成都駐防改辦初等小學堂謹將籌辦情形恭摺具陳仰祈

聖鑒事竊奴才綽哈

佈於三十年到任後與奴才蘇瞻岱會同督臣錫良欽遵

諭旨將成都駐防學堂一體

興辦曾經督臣錫良飭司籌款暨奴才等捐集於滿營先建高等小學堂以自十三歲以上

聰穎可造者肄業之所併飭司於學務處籌撥常年經費於是年十一月開學其餘子弟才

識稍優者均經督臣錫良畛域不分關顧全局准附入省城高等學堂及武備師範英法各

學堂併開散不能讀書者附入機器勸工等局分習工藝足以省糜費而免棄材主應設初

等小學堂俟籌有的款再行開辦併於前摺

奏明在案伏維添設學堂開辦有費常年有

第七冊第三篇

費且以成都駐防之生齒甚繁決非勉設初等小學一二區所能宏其教育況滿營生計久細既屬無款可籌川省又值連年荒歉邊圉不靖方籌賑籌餉之不遑財力亦實難兼顧惟是初等小學堂爲各科必由之階級全國應習之普通矧滿洲世僕人人皆兵際此講求兵事尤非目不識丁者所能練習奴才等責任所在固不敢草率敷衍徒博興學堂之名更何敢觀望因循坐貽後時之悔無論如何爲難亟應實力圖維用副 朝廷眷念八旗作育

人才之至意查成防八旗二十四佐原有蒙學各一所共二十四所經奴才等曉以時艱與協佐晤商及今不行強迫教育之法則學齡已過入高等小學既程度之不合入初等小學又年齡之既長勢不至廢棄不止再三開導併於挑選官缺除檣枝中式外以讀書識字爲要義以示之的一策勸間現在合之續入學生每所要之四十名之多合二十四所共有學生七八百名奴才即將此項蒙學歸併八所改爲初等小學以符定章原額以百名爲限惟事屬創辦不得不廣爲登入自七歲至十一二者使之一律入學設有不敷再行加額至常年經費奴才等提倡協領防禦驍騎校官兵等按月捐助復由奴才等將各項公費力從撙節儘數撥充急需延聘體操滿漢正副教習共六十四員均係師範速成卒業之人以現在

款項支絀均薪水無多內設清文一科冀於維新之中不失根本之義胥遵照新章以五年卒業每學派品學兼優之佐領防禦一員共八員充作校長不支薪水均盡義務俟成效卓著併教習等再由奴才等從優酌獎至修築學舍需款尤鉅急切不能興工而開學日期又未便因此延緩謹將初等小學每所分作甲乙丙三班暫就各旗現有之學舍畧爲修葺稍求合格分班教授均於三十一年七月十一日一律開學惟旗營困苦各省皆然獨成防爲尤甚此次初等小學經費及葺補學舍添購器具悉由官兵等捐助而來奴才等深恐日久勢難爲繼急待邊務肅清與督臣會商無論如何設法籌有的款置購儀器圖書修造房屋及置操衣等件併免衆兵攤捐庶有以抒旗困而恤兵艱當是時規模粗具一切課程規則非資考驗無以堅八旗子弟嚮學之誠總期人無不學學皆實業以仰副 聖朝興學育才培養本根之意至改辦初等小學一切費用皆奴才等一時權宜捐資籌辦應請免其造報除咨明學部暨政務處查照外所有成都駐防改辦初等小學堂併開學日期緣由理合恭摺具陳伏乞 皇太后 皇上聖鑒謹 奏

御史葉芾棠奏擬推廣實業教育摺

補六
月

第七冊第四篇

奏爲利源外輸生計日絀擬推廣實業教育以豐物產而厚民生恭摺仰祈

聖鑒竊惟

強國之本端在富民苟欲民富非培植人才振興實業不爲功今學堂所授大抵教民之事多養民之事少縱有算學物理化學等科不過治其懸理爲他日立事階梯而未以實業爲歸亦第成分利之人才不能充生利之民力於富民之策仍無當也考東西各國其建學宗旨莫不寓養於教故學堂林立而所注意者專在實業一途畢業之後操其技以赴各廠工資所入卽足贍其身家通國無不學之人通國亦無無業之人至瞽瘖殘疾皆得挾藝日養而又能於應用各物究其款式何者爲工花樣何者爲美時時改造以供他國之所求中國不然農之人少而食粟之人多工之人少而用器之人多彼物美而價廉我物鈍而價貴洋貨運銷中國每年以萬萬計故彼日富我日貧彼日強我日弱此皆不研求實業之所致也今之洞悉時務者亦知實業宜興而數校寥寥教育終難徧及擬請 飭下各省督撫速建高等實業學堂照 奏定章程認真興辦延專門實業家爲教習總以發明新理製物精工能奪西人所長爲主畢業後卽可見諸實用足以挽回利權一面徧立中等初等實業學堂庶人皆有能而貨物日益繁盛至藝徒學堂祇用人力不用機器費省利普尤宜多設天

下大利無過蠶桑事兼農工隨地皆宜無論省城及府廳州縣均當有蠶桑學堂教以種桑養蠶繅絲之事福建有蠶桑淺說一書婦孺皆曉最爲合用此外則因地制宜擇器之本輕而售速者由學堂分門別類延工教製不收學費數月畢業俾貧苦之輩得各操一藝以謀生所製之器學堂代籌銷路則人有恆產而民可無匱乏矣夫工藝雖微其利最廣如廣東肇慶府之草席潮州府之潮扇新會縣之葵扇廉州府之爆竹每年所出或以數十萬計區區微物食其利者千百家一技皆可養生得良有司以爲之倡則分利之民胥轉而爲生利之民今科舉既停數十萬寒儒朝廷斷難盡謀出路但使子弟有業餬口父兄亦可免於饑寒況講求實業視他學堂尤爲切要將來學校既盛各堂畢業者豈能盡用惟實業則成就愈多利益愈廣有百利而無一弊救濟時艱無急於此臣管窺之見是否有當伏乞

皇太后 皇上聖鑒謹 奏

御史喬樹枏奏請 飭下各省添設法政學堂片

補六

再現在仕途各省均以擁擠爲慮而明習政治之選寔不多觀亟應及早預備以待任使科舉停止以來各省多就舊日書院改設存古學堂湘豫兩省首先創辦其餘各省亦次第舉

辦意在體恤寒畯三年畢業一律獎給出身立意非不甚善願但求疏通之路而不籌造就之方則受益甚淺竊意此項舉貢生員中學皆有根柢若專占法政一門肄習則畢業之後才皆可用現在各省裁判課稅人員苦無專門之學可否 飭下各省督撫一律添設法政學堂令前項舉貢生員各習裁判理財之學則三年畢業之後居官居鄉足備任使庶嘉惠士林之中更有合於 國家造就人才之旨矣謹附片具陳伏乞 聖鑒謹奏